



**Inuit nappaammik eqqorneqarsimasut oqaaseqartartoqalersinnaanerit pillugu apeqquteqaat aallaavigalugu oqallinnissamik siunnersuut.**

(Inatsisartunut ilaasortaq Jess Svane, Siumut)

Inatsisartunut ilaasortaq Jess Svane qutsavigerusuppara peqqinnissaqarfimmut aningaasalersuinitta qanoq pisariaqarnera pillugu Demokraatit isumaannik saqqummiussinissannut periarfissimmaga.

Isumaqatigiissutigipallassinnaavarpur Peqqinnissaqarfik massakkorpiaq ingerlalluanngimmat. Pikkorissunik nakorsaqaarpugut aamma pikkorissunik peqqissaasoqaarpugut, naammaqqajangillalli. Sulisorisagut pisariaqartitsinnut naleqqiullugit ikippallaqaat. Sulisussaaleqineq nunatsinnut tamarmik angisuumik sunnuteqarpoq aamma taamaattumik innuttaasut misigisimappur peqqissutsikkut ajornartorsiuteqarnerminni naammattumik ikiorneqartaralik.

Inatsisartunut ilaasortaq Jess Svaneip matumani siunnersuutigaa inuit nappaammik eqqorneqarsimasut oqaaseqartartoqalernissaat. Demokraatini isumaqarpugut taamaaliornitsigut aningaasat iluamik atornaviangikkigut. Oqaaseqartartoqalernissaq milliunerpaalunnik akeqartussaavoq taamaakkaluartoq peqqinnissaqarfimmi ilungersuaffiusumi pissutsit iluaquserneqarnaviangillat. Demokraatini isumaqarpugut allaffissornermut aningaasartuutit amerlanerusut atortariaqangikkigut - isumaqarpugut paarlattuanik allaffissornermut aningaasat atortakkagut ikilisiaqartut. Aningaasat atorusunneruagut sulisunut. Sulisunut napparsimasortatsinnik paaqqutarinnittussanut paarsisussanullu sulisunuunngitsoq qarasaasiaq atorlugu nalunaarusiortussanut.

Imaangilarli isumaqartugut oqaaseqartartoqarnissamut isuma ajortoq. Isumassarsiaq ajunngikkaluarpoq iluaqutaangilarli inuiaqatigiit aningaasartuutininik artukkertuarnissaat sualummik aningaasat allanut iluaqutaanerusumik atorsinnaagallartillugit.

Demokraatini tamanna tunngavigalugu kissaatigaarpur partiit tamarmik Peqqissutsimut Naalakkersuisumit isumaqatigiinniarnissanut aggersarneqassasut tamatta nuna tamakkerlugu iluaqusiinissaq pillugu isumaqatigiissuteqarsinnaaniassagatta peqqinnissaqarfiup pitsanngorsarnissaa pillugu aamma siunertaralugu sulisussarsiornermut atatillugu ajornartorsiutinut aqqiissutissanik nassaarniarnissaq innuttaasut amerlanerusut pisariaqartitsinertik pisinnaatitaaffeqarnertillu naapertorlugu katsorsarneqartarsinnaaniassammata paaqqutarineqarlutillu.

Taamaattumik Peqqissutsimut Naalakkersuisoq toqqarlugu apererusuppara:

Peqqinnissaqarfimmi pissutsit pitsanngorsarnissaat pillugu partiit allat isumaqatigiinniarnissanut aggersarniarpigit aamma taamaassappat qaqugu aggersarneqarnissarpur naatsorsuutigisinnaavarpur?



**DEMOKRAATIT**  
DEMOKRATERNE

Taakkuugallarput Demokraatini oqallinnermut ilanngukkusutagut.